

書以示來者其功德所及可限量歟不濟一時
當濟一方非得范文正公之遺意歟鄉先生歿
而可祭於社者不在斯人其誰歟余自癸亥迄
丙寅兩權興篆雖不及

瀨溪橋木蘭陂頽址

之面而年來修
大令之功之

噴噴人口者耳熟能詳

遂泉任迫於

之期其

舊孫

士以是書請

示余

大有造於

生其

然於弓冶

之舊以世不替也乃為

賜進士出身知興化府事前陝西道監察御史金華

章倬標拜撰



序

天地有自然之利不知所以裁制之則利不興即知所以裁制而不得其人與不得其法以區畫之則利仍不興顧法因人而立利以法而成是非筆之於書則人往而法亦隳泮隳而利亦廢欲求其歷久而不變也難已莆邑地處下游幅幘遼廓然皆傍山塍海土性鬆浮十日不雨則苦旱五日淫霖則苦潦不有以隄之蓄洩則乾

陽甚非便民之道此

看滇陳大令所為

水利為要圖而亟思

立言以垂永久也余以丁卯冬來寧荔城適前任

白海仙先生議修新豐永豐二埭旁及江口頂岑頭

宗祥子馱卓埭溪仔各埭海隄工程未竟遽歸道山

余蒞任伊始即接手興修幸於次年秋一律告竣今

復擬勘修東角遮浪賴趾採訪所及被大令之澤者

咸嘖嘖稱誦弗哀所謂功德在人梓桑矜式者非耶

抑余聞之莆邑水道發源於永德化僊游三州

滙三百六十澗之水以注於海昔人於木蘭山下建
陂築隄分流別派以資南北洋田疇之灌溉厥利甚
溥特歲遠年湮漸即頽圯而大令獨慨然興修復之
思始修南安太平二陂繼復奉委督辦木蘭要工竭
慮殫精不擾而事集且出其緒餘輯古近成效纂甫
陽水利志八卷縷晰條分瞭如指掌俾資官斯土者
之攷鏡烏虜大令之用心亦良苦矣夫農先八政所
望其致力田功民才四生莫重於興修水利古之陂

并海涸澮遂瀦防各載其名垂為良法簡策昭昭固
可考已今觀是書深切著明委曲詳盡洵足攷成憲
而垂永圖守土者誠取而觀之亦治莆之一助也令
姪問序於余余既嘉大令之垂法以利民且以得睹
斯編為快不敢以不文謝爰贅數語弁諸簡首是為
序

己巳仲春津門蓉軒張夢元



序

自古賢知之士為民捍患興利其遺迹往往而在余
守興安四閱月值亢旱親赴各鄉勘水道至木蘭陂
見陂隄井井水循故道詢諸父老咸嘖嘖頌陳大
令功德不衰心竊佩之越數日邑中廣文陳君清傑
以莆田水利志來曰願為之序余發書觀之分圖說
水道陂塘隄防祠祀章奏公牘傳記八門文凡十數
萬其作而名者即春溟陳大令也范文正公謂滕

子京百廢具舉建隄其一也夫隄不建則水不理水
不理則田不利而大令以修廢興顏為己任築隄
以資田疇之灌溉且恐其事之久而湮也筆之於書
以為後世法民到于今受其賜鳴庠大令莆人略
施其餘以利及物遂大有造於莆使當時得顯用之
其造福於蒼生者可以數計哉至水利之源委與修
隄之始終條分縷晰具詳於書毋須余多贅贊也
大令文孫茂才名奮孫余課興安書院所取士也詩

有之昭茲來許繩其祖武余既景慕 大令之功尤
厚望於其孫也夫是為序

同治八年十二月朔旦

賜進士出身知興化府事前禮部郎中乙丑會試同
考官記名御史翰林院庶吉士東萊林慶貽拜撰



叙

莆田介福泉之間西北依山厥田環山傍溪東南距海厥
田背山塍海其中延壽木蘭二溪與海潮相出入鹽淡不
分沙泥膠成平壤短長相覆將四十里惟蒲生之謂之蒲
田後乃去水爲莆焉唐長官吳興始隄延壽杜塘而開北
洋觀察使裴次元復隄東角遮浪而開南洋延壽之築緒
溪水通溝東角之築以之障潮緒潦水於塘而已宋岐王
陳洪進陂南安知軍劉謬陂太平皆遏北菽蘆溪之水一
漑九里洋在北洋之北一漑興教里環山之田餘流入北
洋之溝又延壽之上截爲使華陂漑尊賢里高地至宋熙

有間侯官李者李宏乃奉詔陂木蘭以溉南洋蓋功之成
最難故築最多而灌田最多元總管郭朶兒張仲儀分之
以濟北洋而下延壽水於望江自是舟楫相通田疇相望
風景不亞江南明初江夏侯周德興以平海莆禱備倭築
城而拆東角遮浪石隄僅土築潮乃爲患加之溝渠湮
塞涵竇走漏雖逐時補救然漸失前人遠大之謨矣嘗謂
莆之水利始於唐盛於宋大備於元至明而壞以迄於今
詎可緩圖者池養服官畿輔道光元年奉外諱旋里爲鄉
人修太平南安二陂太平之陂竭慮爲之南安則僅能了
事復砌杭頭之隄值總督孫文靖公堅意興修木蘭水利

府廳縣稟奉委任於是修陂濬渠築堰建塘填磯經理南洋凡四歲淘溝障溪整頓北洋逾一載蓋自道光六年至十年糜制錢十數萬鎰得觀厥成苟非持以大力及時而爲則溪水不入溝海潮屢上田膏腴不仍爲棄地耶厥後東角遮浪磊水埤搜漏穴寶勝溪障兩岸挖沙石延壽屢設防旁及新浦西利下江頭之泄下江頭橋堦之圍而難緩當圖者則南洋之橫山北洋之荔浦月峯亟宜填磯又南洋溪泉頭以下北洋南箕以下凡十數處應填又東角之東宜接築石隄址以亂石遮浪之西宜接築石隄又東山土名龍甌地面宜隄以石又南洋上段溝宜再濬以所

挖沙石堆田爲園將來得仿照辦理并修中段下段之溝
淤於澗者計護磯添隄開溝工僅前十之二稅畝不足則
募之然無堅持於上者何由得成此池養所爲恨其事之
不終而嘆其年之已老也夫水動物也久則必變變不爲
利必爲害得人而後能去其害永其利竊欲輯古近成迹
資後來採擇時福建通志開局道光十一年入局分纂得
多見古書凡涉莆田水利逐加考證中如劉後村尙書之
文詞古雅周翠渠方伯之稽載精審藉以沿源而討流圖
度咨詢所及間附辨論纂成莆田水利志委曲詳盡繁而
不殺今秋上省回莆道中以書自隨悉心檢點因而芟文

蔓省繁複所錄前人文字或篇去其段其句或句減其字
然不敢竄易加增失傳信之義志分圖說水道陂塘隄防
祠祀章奏公牘傳記八門文凡十數萬良有司誠取而觀
之亦可知水利之關係莆田艱修不易而加意修葺矣若
孫文靖公之大有造於我莆東角已建廟所當呈官

奏請

朝廷俎豆千秋不宜如郭張二公之功在北洋不知所報且久
而忘之也書成二十年乃自刪定因弁以叙咸豐元年冬
十月旣望莆田陳池養

莆田水利志卷一

陳泚養編

圖說

水道

陂塘

溝渠斗門涵洞附

隄防

祠祀

章奏

公牘

傳記

雜識附

凡例

一書志水利故於水特詳而山從畧

一莆田水利莫大於南北兩洋瀨溪匯永春德化仙遊
三州縣諸水至城西南十里木蘭山下截爲陂專瀨
南洋兼及北洋其利最溥故首及之漁滄溪匯仙遊
興泰里莆田常泰里諸水至府城北七里延壽村引
漑北洋故次及之其上流截爲使華陂漑尊賢里沿
山高地附焉北荻蘆溪在府東北山內匯廣業里諸
水先截爲太平陂漸興教里沿山高地餘流入溝助
漑北洋下流爲迎仙溪於江口山內截爲南安陂漑